

詠菴詩存

綿潭漁唱

古今體八十首

康寅秋雁題誌
全部六卷卷之一



詠
菴
詩
存



詠菴詩存序



管領風騷誰敵曹劉之壘寄懷泉
石客追皮陸之踪惟雅契夫琴樽
斯彌工其嘯咏丹山碧水夙緣卽
是神仙綠酒紅燈清興總歸才子
倘羽儀之有意鳳樓早立清標乃
鴻爪之無心鷺社獨崇雅望才華

第一風調無雙秀峰汪君詡莽詩
存所由訂也夫其詞場獨伯原鍊
券之家聲藝苑稱英本花潭之雅
緒左圖右史瀝液傾膏帶水環山
紉蘭佩芷雕鏤萬象閒情披箱史
之圖糟粕百家得意夢江淹之筆
半厘卜築武林大可浮家雙槳夷

猶雁蕩儘堪適志飛觥鬪犖曾聞
終賈之年拂素分箋饒有王裴之
興談諧氣爽顧盼風生固已燒燭
而珠生字裏雅並徐庾題襟而霞
蔚行間方驅潘陸矣然而匪窮名
勝曷敘遙情必極幽奇乃深遐想
鞭絲帽影嘗分靈洞之雲松響泉

光或映蘇堤之月瓊花臺畔潑墨
淋漓白苧城邊揮毫颯沓大江南
北山川每賴以平章淞水東西花
鳥屢供其品藻斯不亦着靈運障
巖之屐無景非新登元章書畫之
船有吟皆妙者乎迺更綿潭返棹
地遠塵囂錦笥添詩音翻清越纏

綿舊夢行歌互答之人悵憶佳游
緩轡聯吟之地湘簾棊几檢點烏
絲酒幔茶檣流連紅豆賈閩仙之
字敲驢背比此非奇王之渙之曲
播旗亭擬斯差近以故談揮塵尾
清言絕少纖埃稿束牛腰妙手果
多仙意僕也拙宦江天久息渭城

高序
三
之唱濫推粉署還餘小海之思乍
激賞乎才名喜玉山而朗映再披
尋夫佳什愧流水以知音爰率弁
言漫裁綺語今時黃絹定知價重
鷄林他日青緗更願郵從魚素云
爾時

乾隆三十有七年歲在壬辰桂秋

下浣西蜀同學弟高辰拜題於葺
城官寓



詠菴詩存總目

卷之一

綿潭漁唱

古今體八十三首

卷之二

飛鴻堂初稿

古今體一百十九首

卷之三

蘭谿權歌

今體一百首

卷之四

歐江遊草

古今體四十九首

卷之五

邦溝集

古今體四十九首

卷之六

客燕偶存

古今體八十七首

秀峰先生四十五歲小像
華亭唐汝超寫



縣潭敷唱序

詩家患不能新又患不能古
古而不新陳人也新而不古
傷文也二者交議以冊錄
能新矣而因寄所託復餘
外之意追古人而後之此其

志不在小翔集子史以日以
年則立戟於諸作者間何止
三十里也望氣日上為喜欲
移乾隆歲在柔地攝提格寤
月也望友生方繁如梓撰

題詞

仁和 金志章 江聲

閒居動幽興涉想得微尙每念秋宇澄空
江發孤榜沿綠葦蕭間邂逅人遂往黃葉
承夕陽依微界遠望蕭蕭秋風下漁歌振
清響此景偶亦逢繫懷但悵快今讀綿潭
詩如歷綿潭上君心本清絕君詩何澹宕
郵筒幸寄聲何時駕幽舫同為汗漫遊心

神越漭漭

錢塘 盧樹滋 西冷

占盡風華絲上主枕居潭水傲漁家閒情
逸韵清無比明月澄波漾玉砂

騷壇到處誦幽吟雅識君才蘊負深畢竟
懷珠川自媚別聯鷗鷺托知音

婺源名勝結神游一葦錢江水共流我待
黃山作樵客灘頭閒與話浮邱

多君著作等吟身披揀金沙字字珍合與
龍溪世傳集淵源一脈滙通津

華亭 吳 鈞 陶宰

昔賢白石唱清響托幽岑終古湖山色千
秋問答心短竿橫一鑑高調出平林日暮
北風急滄浪和笛音

秀水 許爲金 築巖

緜水悠悠澹我心漁舟一葉泛沉深秋風

倚櫂蘆花岸曉日鳴榔楓樹林剩有圖書
還共載豈無蓑笠伴清吟不知容得樵青
否閒撫焦桐要賞音

仁和

姚德存

蓀田

我家虎林山水窟一一靈蹤難殫述憶昔
狂歌方少年興來每棹扁舟出城西日日
攬名勝欲貯奚囊少椽筆秀峰先生得真
賞愛泛澄波登翠嶽家住嚴陵西復西綿

潭潭上峯如笏環峯穿壑成結構剪伐豐
腴露筋骨淙淙飛瀑濺珠玉落落長松響
羗脣就中更起百尺樓南北峯頭相髣髴
先生有時把釣竿扣舷歌嘯動遼絕吾聞
新安之區巖壑秀詩派澄泓異松浙騷人
詞客論風雅短調長歌競工拙先生手握
靈蛇珠苦霧陰雲任披拂自從金鯨振逸
響細草寒堦盡鳴蟀年來僑寓五茸城吟

新江漁唱
三
壇手插敦盤列郵筒示我篇什夥玉色珠
光映雲日伊昔天隨澹岩士浮家泛宅襟
情別千年漁唱在綿潭一派高風幾曾歇
今宵寓閣秋氣涼缺月娟娟照細帙細吟
格律坐嘆息樽酒何時慰飢渴

綿潭漁唱

古歛秀峰汪啟淑著

子夜四時歌

東風扇晴日楊柳盡垂絲郎行不縮馬愁
坐蹙雙睂

畏日苦流金眠愜柳心算一夕涼風生君
懷恐中變

倚闌望銀漢無寐將奈何玉露似儂淚侵

晨分外多

陌上凝祈寒擁爐飲歡酒風雪易黃昏安
得終白首

春陰

靄靄春陰釀雨天望中山色黯空煙桃腮
故作宵醒態柳眼如耽曉夢眠何處鞦韆
虛畫板誰家絃管咽歌筵芳時未逞韶華
興紙閣攤書意惘然

齋居有懷

焚香彈素琴坐久啼鳥換難期心所歡空
發盈襟嘆習靜寡外營花飛任撩亂

坐雨

曉溪瀲灩響新流起擁山衾坐小樓銀竹
斜飛迷遠望建瓴聲急湧檐頭

春日幽居

扃門春色裏靜看日西斜病久身如鶴愁

濃眼欲花誰分劉杏酒且種邵平瓜擁鼻
微吟罷晴蜂正鬧衙

惜春曲

奉君九華燭遠之明燈萬貫却塵之繡褥
穆王常滿之奇杯田父射光之赤玉願君
少駐七香車聽我狂歌惜春曲人生壯歲
不恒居秀髮星星難再綠春光駘蕩趁芳
辰烏藏宜秉蘭膏續一刻千金乃至言高

吟顛飲真良局幾見黃金鑄後身鞍背船
唇徒僕僕衣冠終古總成邱莫受世氛相
刺促

畜貓

不惜裹鹽聘來依四部書策勲無慮薄晚
釣得溪魚

閒居雜興

漫道窮居苦寂寥紙田閒墾足逍遙帖臨

青李茶初熟經罷黃庭篆欲銷漫注蟲魚
紛典籍愛親畊釣托歌謠拓窗霽色添幽
興花外啼禽似見招

題友人小像

之子何崎嶇松根坐高讀環襟有小谿澆
澆走寒玉興來引芳醪遑計清與濁境寂
神益間世氛那刺促白羽笑空持涼飈自
相屬未遇知音人莫解瑤琴束

漳灘散步

雨裏鷄鳴三兩家叢叢竹樹傍邨斜山深
籬落春光晚二月辛夷始放花
岸柳娟娟半帶煙片帆如鳥下灘船眼前
好景吟難盡欲覓雲藍九萬箋

白薔薇

春風披拂處滿架葉扶疎一白雪相似繁
香麝不如柔條牽幔帶濃影護床書雨後

看逾好佳人 蹟面餘

聽春郎胡琴

四絃輕曳聲切切 渾似冰溪水 嗚咽旁人
未辨徵與商 但覺如嘶野馬鳴 羣羊須臾
變調更凄楚 欲泣吞聲暗私語 逐客魂消
戍婦愁金烏 歛彩雲悠悠 春郎春郎何須
爾許聲聲怨遊子 無腸與君斷

偶吟

筠廊芍圃足徘徊 弄筆閒時弄酒杯 未卽
閉門高枕卧溪南山 要送青來

慰友

腰纏跨鶴自來難 幾見錢神得好官 疥壁
不妨書醉艸 疣琴何礙操幽蘭 簞瓢顏子
偏多樂襟肘 原公豈寡歡 絹海膠山堪遣
日敗籬况復有花看

書堂夜坐

輕風度虛堂
牕竹發清響
凝神結跏坐
斗覺煩襟爽
悠然有會心
閒謠寄幽賞

卽事

靜倚虛岩看落花
佳時容易日西斜
歸來小院藤陰合
閒拾松枝自煮茶

過友人故居

蠟屐頻遊集重經
只愴神筠簾空覆地
鬆几但凝塵
談笑歸何處
琴樽換別人
一吟

華屋句不覺
淚霑巾

秋晚過家山圖先生遺宅

籬菊醉霜秋意深
墨雲釀雪天陰陰
意行來訪詩人宅
孤策逶迤穿晚林
循墻叢篠翠欲滴
環門潭水寒欺襟
詩人仙去不可見
吟堂寂歷空登臨
卷帙蠹殘筆牀壞
墨痕狼藉難披尋
閒階小立一俯仰
紛紛絳葉飄青岑

彈琴

彈琴修竹下坦腹枕清流翠髮不恒好絃
歌聊遣愁

寒食郊遊

年來飄泊不勝悲遣悶閒遊信所之欲雨
欲晴寒食後半醒半醉野行時萋萋芳艸
承梨雪欸欸溫風颭柳絲似駛流光無可
繫蒼茫駐屐獨唸詩

晚春書太白酒樓壁

突兀憑江影欲流碧欄干做翠屏週日斜
春老閒人散山鷗谿猿結伴遊
魚梁瀉碧響泠泠遙見齊雲一抹青無復
醉眠詩客在暖風吹絮入疎櫺

贈家朴菴

吾宗有高士潛默少人知食力惟操耒扃
懷但賦詩家貧山鬼笑道古俗人嗤他日

徵軺起應多盛德滋

春暮獨遊碧雲巖

桃吐花春將老修堤綠遍王孫草獨行偶
到碧雲巖竹杖芒鞋恣幽討山禽囀深林
輕僂翻翠藻韶光大地無人知攬帶高吟
寄懷抱

秋夜獨步綿灘水煙霜月幽趣莫狀
率爾成篇

端居間寂縱步秋野林月澄輝溪湍微瀉
會心匪遠熟云儔寡塞鴻橫空木葉初下
婆娑清影涼風滿把留連忘歸白露如灑

賦得竹搖清影罩幽窗

分韻得
花字

砌竹離披日半斜紛紛翠影上窗紗閒於
五柳詩人宅靜似雙林佛子家涼意滿襟
非爲雨細香逆鼻不關花胡床八尺眠來
看却咲無方逐睡馳

後圃閒步

步屣入後圃涼吹開我襟疎竹網斜照漏
影如碎金蕭蕭稿葉響嘖嘖寒蟹吟悟彼
節物移感予傷逝心攬帶一長嘯拂石張
清琴

採蓮曲

蘭舟輕蕩綠波中人面蓮花相映紅日暮
水煙渾漠漠歸橈何處辨西東

暖風拂拂漾鳧鷺人在花叢小憇時瞥見
郎來回首避翠莖疎處却偷窺

明州石榻

誰琢明州石製成書榻橫山光侵角枕波
影潤桃笙蕭爽身心靜幽涼魂夢清慚無
徐孺子高掛下休輕

杪秋雨後述懷

一雨淨氛埃千岩含苦霧窮居落寞寡塵

勞把卷高吟倚苔樹籬菊粲其英砌虫同
此趣吁嗟乎宋玉胡爲獨不樂百年要識
原如寓吾儕自知非驂騮不歎孫陽杳難
遇清辰澄景足逍遙後身底羨良金鑄

春日邨口閒步

入春纔幾日春色便撩人散策行吟去韶
光刺眼新

岑山道上

初晴山翠撲着低聯襪來遊日未西宿雨
偃花懸峭壁好風勾蝶過前溪多情垂柳
依依碧自在嬌鶯哈哈啼欲上高峰蘓倦
眼晚雲如海望偏迷

戊婦嘆

結禱未浹辰夫婿去天山一別十寒暑傷
離凋朱顏昨朝書札至轉云戍榆關刀環
竟難期坐感芳夕閒夫行妾當守憔悴非

所患願保千金軀功成獻凱還

苔錢

圓似池荷嫩葉浮一番秋雨一番幽權門
要路渾無用空向閑庭買得愁

初夏閑居

綺陌青春老閒庭白日長海榴紅刺眼園
篠綠過墻壯志慙明鏡幽情寄醉鄉瑟居
無箇事晞髮卧繩床

烏引雛

統如五鼓銀河低老烏引雛啞啞啼烏雛
翼薄身難主強欲引之城北去曉風颯沓
睥睨高失勢忽落諸蓬蒿老烏百計將不
起哀哀泣血投壕死獨不聞羽毛未豐不
可以高飛胡爲乎遑遑苦與時相違

歲暮卽事

炙窗晴日硯銷冰瓶插梅花淡不勝排遣

終溪漁唱
三
殘年無別事笑拈斑管畫春燈

題自醞雪漿酒

飲中何必數蘭英醇味由來在至清未送
青州伴從事聊供彭澤醉先生金莖解渴
徒聞說石乳能仙枉得名漉罷葛巾還自
喜破除愁陣息心兵

晚步東園

春光剩幾何綠陰紛相壓散策來東園林

端鳥鳴答晚山雲勢沉幽澗泉流浹嫋嫋
柳弄絲青青菜萌甲茲方雖荒蕪卽目景
不乏瀏然出谷飈悠揚颭輕箠煙深歸路
迷新月隨步履

登淪潭觀瀾亭

紅墻屐子印蒼苔得得行歌獨自來記取
憑欄好時候檀香梅萼水仙開

遊玉岐寺

新澤漁唱
三
瑟居不稱意初地試幽尋得句思呈佛乘
閒喜入林水流蘇舊砌風暖變鳴禽更愛
歸途好嵐光欲染襟

客有言慈谿縣長溪嶺下故官塚上
之翁仲其嗣貧欲別售夜夢翁仲告
以久事尊人義不願去其嗣翌日竟
移之重不可動強而墮折里人奇之
建亭紀事嘉而賦此

貧欲售石石人語寧碎此身不易主緬想
當年牽挽時修繩料不如鉛雨吁嗟乎今
世之豪奴曳統食肉則相聚應多慙媿此
頑石特地裁詩傳海宇

春日閒步

春陰山鳥樂小憇散愁襟風竹清於磬溪
泉淡似琴偶諧靜者趣便覺息塵心

初夏

默坐南窗看落暉
鹿蕉夢覺已忘機
試茶正喜泉初熟
卷幔剛逢燕欲歸
砌竹離離連藥嶼
池荷貼貼近苔磯
閉門覓句堪終日
休悵年來心事違

長門怨

涼生夕殿陰
獨坐吟團扇
縱然君意回
但恐紅顏變

練江舟次

篷窗無酒遣蕭閑
背看丹楓霜後顏
夾岸野禽啼不住
片帆飛過二郎山

秋晚率成

多病虛佳日
攤書對薄暉
驚心聞葉墜
無事看雲飛
抱甕添葵潤
拏簾送燕歸
寸衷誰可語
歷歷付金徽

告蚊

蝸廬蒸濕多飛蚊
成團接翅同烏雲
松篁

風微竟無懼橫衝遶鬢號夕曛嗟予多病
肌膚老如爪骨豈堪君齧東隣有獸食人
食何不噉之堪一飽

野燒

寂寂古原頭誰遺火未收晚風吹更濶曠
地燎難休遙看疑斜照橫延似亂流光驚
狐兔竄焰烈艸蟲愁却歎風光轉青青又
見抽

初夏山居

春歸寂寞局山院芒鞋惜踏殘英片開軒
無語對遲暉徘徊曲檻情難遣紛紛柳絮
舞墻陰貼貼荷錢漾池面匡床散髮來清
風蝦鬚捲處飛雛燕

書新建書樓壁

築得書樓俯小溪崧崇直欲與雲齊蔭門
只種先生柳塗壁何須隱士泥看雪休辭

衝雪上聽鶯莫惜其鶯啼落成底用朋人
賀一首新詩信筆題

行藥至迴龍橋

抱疴不稱意行藥聊近遊低徊度南岡延
緣遵江流迴龍古石橋境僻姑遲留于時
屆仲商逆鼻天香幽霜楓弄便娟叠嶂青
翠稠輟策撫孤松高吟豁沉憂塵襟得暫
洗白日漫西道

玉樓春怨

桃花開遍柳成陰目斷無由見藁砧坐久
不知衾篔冷添香暖守博山心

東園

愛春先鳥起一徑入東園的礫梅將綻槎
枒柳尙髡晴烟浮黯靄初日弄溫暾時雨
前宵足橫塘復舊痕

秋夜謠

金風爽玉露涼如珠荷露傾銀塘前軒愁
卧冰簟滑唧唧窗下啼寒蠶侵床明月如
霜白撫枕相看動蕭索美人何日得重逢
清謠永歎終遙昔

新柳

隋家堤畔雪初銷又見輕黃染舊條細眼
乍舒猶帶倦纖腰欲舞不勝嬌莫移官道
遭攀折好伴金閨破寂寥最是動人愁思

處綠波春漲赤闌橋

雪望

昨宵素雪飛倚欄得奇矚山徑失漡隆翹
松耿微綠盼彼河之洲宛然浮片玉長安
多貧者昔賢語可錄抗懷東郭生怒如擣
心曲

池亭獨坐

睡起晴蜂報午衙微吟閒步澗邊沙連朝

不到池亭上開遍棠梨一樹花

征婦怨

紫陌春始穠楊花已飄素寄語隴頭人芳
姿難久駐

春來

春來情調頗無聊日倚吟窗弄酒瓢蜂逐
游絲過別院燕銜花片掠橫橋隱居張祐
詩聲賤多病文園客恨饒底事晚風偏有

意時敲庭竹學齊韶

雨

脉脉當春雨隨風入院來潤欺琴柱緩涼
逼酒樽開洗柳舒嬌眼侵梅破粉腮吟看
欄外沼漸欲復蒼苔

涼夜聞琴歌

誰家別幌張瑤琴酒醒驚我江海心披衣
強起撫枕聽隨風容與流哀音須臾變聲

一何壯馬嘶荒野牛鳴益好似坡公溢蠡
游石鐘山下寒潮上嗟乎嗟乎操者誰淒
鏘嗚咽應有思霜凝月落莫辭苦但恐舉
世無子期

遊擊竹菴

得得來叅玉版禪雨餘幽谷更蕭然尤憐
擊竹饒佳趣小閣危闌聽澗泉
紛飛嬌蝶舞新晴日射虛堂潑眼明多媿

倥偬歸去了北窗孤負竹風清

池上寄慎齋江永

曦赫迨無所愛此池上涼科頭揮白羽選
石蔭綠楊日入水容碧風來荷氣香懷我
同心友緘情寄詩章

漫興

鎮日攤書嬾出遊已甘隱閉老林邱雨滋
蘚碧侵閒几風載花香上小樓抱膝微吟

情脉脉看山酌酒興悠悠自憐心力消磨
盡擬便忘機狎海鷗

山園散步

讀倦攜藤杖山園一探春翠禽休競噪我
是惜花人

秋夕

寂寂清夜孤燈耿輝候蟲吟砌涼月鑒帷
方壺難到宣室無期有琴有酒不樂何爲

夜訪屏山夫子

爲尋棲遯客乘月一攜藤急澗鳴新溜疎
林漏遠燈霜威初瑟瑟菊影正稜稜情話
渾忘寐山窗低玉繩

鄭坑道中

曳杖春郊欲暮天霏微杉雨濕墟烟不須
怊悵春泥滑一路溪聲勝管絃
山根在在有梅花况復村醪許客賒攬帶

長吟幽思好疎林驚噪後歸鴉

秋曉

晨起坐前庭開襟納新爽松風學奔濤竹
露滴幽響候鳥如有情時時窺岫幌臨階
撫疎桐永嘯歌擊壤雖無佳山川境靜心
自朗懷哉五柳先令人發遐賞

春日遣興

尋詩信步過墻東候鳥綿蠻曉日融柳眼

效顰凝宿露桃腮含笑倚和風也知世事
如棋局敢把功名等馬通敲遍碧欄情繾
綣雙飛新蝶繞芳叢

書樓宴坐

晴窗嬾校相牛經坐嘯春風引酒瓶猶愛
夕陽吟望好暮山橫斷佛頭青

遊福緣菴

和風牽野興散策過珠林寶鼎騰烟靄雲

新澤漁唱
三
堂響梵音地幽忘世累巖迥覺春陰漫說
無生話年來已息心

浙江晚發

捩舵之江趁晚晴帆開千里碧雲平岸花
却走空回顧真個扁舟一葉輕

半篙瓜蔓水拖藍蘋末蕭蕭起少男笑我
心情泥着絮蓬牕高卧類春蠶

紀所見

遠岫映西陽柳邊人喚渡驚起白鷺鷥斜
飛入溪霧

綿潭漁唱終

跋
清思則玉
擘六壺逸
韻則泉流
石峽加吹
追琢之精
慰貼之乎
工無刻
鏤之痕
味在鹹
酸之外

維誦數過真覺齒有餘
芬美不勝攬豈持四照
之華九光之鎧而已丁
卯初秋葯洲愚弟張錫
德琴跋

